

Mwngz Ndei Ha, Gizneix Dwg Fuconh!

你好呀，这里是富川！

□ Maknam hoiz

“Haj faen buenq ndoi seiq diegbingz, buenq faen bya raemx heux reihnaz”, neix couh dwg Fuconh Yauzcuz Swciyen. Fuconh doenghbaez heuhguh “gukbya”, gij lizsij vwnzva gyaenanz. “Aen Mingzsingz gaeuq ndeu, couh dwg buenq bouh lizsij Lingnamz”, Mbanjsiusuij、Mbanjfuzhih、Hawsinhboh ndaej bingz guh aen mbanj lizsij vwnzva mizmingz ndeu, Miuhamajinh caeuq diuz giuz funghyij Veizlanz、Cinghlungz daengj deng bingz guh doengh aen danhvei baujhoh vwnzvuz youq-gaenj gukgya, Fwenmbungqmbaj、foux-gyongngag Yauzcuz dwg gukgya gaep feihyiz daengj. Seizneix raeuz caez bae yawjyawj “giz dieg baenzmiz gyaendei” neix ba.

Ndij Roengaeuq Siuhho coh baihsaebak doxbae, liz yienhsingz aiq 30 goengleix yiengh-neix, miz aen mbanj canghyienz gya’ gyaeyawjyawj mizmingz ndeu——Mbanjsiusuij. Aen de mwh Dangzciuz Gaihyenz laeb mbanj, daengz seizneix gaenq ndaej 1300 lai bi lo. Daj Dangzciuz daengz Cingciuz, mbanj de gungh ok le boux canghyienz ndeu、ngeihcib roek boux cinsw, deng vnz heuhguh “aen mbanj canghyienz” “mbanjrang vwnzgveiz”. Ngamq haeu daengz aen mbanj gaeuqgeq neix, doq raen “gwnzmbak gyanghohng ngawhrin heu, yiemhranz hoenzgeu roengq dauq”, diuz hongh rinbanj raezrangrang, aen gyanghohng cien hoengz vax heundaem, mbouj nauhyied hix mbouj raen vnz baedauq, caenh raen gwnz dingranz ok hoenz ngeungeu, dinghrwg cwxcaih. Baij doxbae, dwg aen coengceiz Ranzmauz、aen laeuzcanghyienz、monzlaeuz cinsw、aen daizheiq gaeuq、ranzyouq miz gij daegsaek Mingzciuz Cingciuz, lizsij vwnzva gig naekna, lumjbaenz lij ndaej yawjraen gij nauhyied doenghbaez.

Daj Mbanjsiusuij okdaeuj, caiq bae yawjyawj doengh diuz giuz funghyij Fuconh. Gij roen gaeuq Mbanjyauz, cei q gyaey couh dwg gij giuz funghyij. Fuconh raemxrij lai dah cix lai, ndigah giuz funghyij caemh lai. Doengh diuz giuz funghyij lumj diuzdiuz sainyawh ronghyubyab nei, sanq youq gwnz dah Fuconh, hawj vnz byaijroen ndaej baex fwn baex rumz, cang aen biengz Fuconh. Fuconh seizneix miz 27 diuz giuz funghyij gaeuqgeq, cungj dwg youq mwh Mingzciuz Cingciuz hwnq. Ndawde diuz giuz funghyij Veizlanz、Cinghlungz cei q miz daegsaek. Song diuz giuz neix cungj dwg giuzringienq、diengz gwnzgiuz、bamlaeuz doxgap baenz, gwnzde veh doengh gij veh miz saek, gig miz gij daegsaek Fuconh.

Cawz ok gingj ndei, gij yienghndei minzcuz Fuconh caemh gig naekna. Miz bya couh miz vnz Yauzcuz, miz vnz Yauzcuz couh miz fwen. Fwenmbungqmbaj couh dwg ndawde aen daibyauij ndeu. Cungj fwen neix aiq youq Mingzciuz couh miz. Mwh ciengq ndaej lai haenx, baezbaez ciethaiq、guhlaeuj roxnaeuz guhhong sat ndaej hoengq le, ranzcawj couh baij daiz, iu gij canghfwen eu Fwenmbungqmbaj ak haenx, bouxsai mehmbwk gak faen doih, mwngz eu gou ciengq, mwngz cam gou dap, baezbaez eu baenz geij ngoenz geij hwnz, bouxlawz cungj mbouj bex. Ndigah, guhcaemz、doxduenq、gyau baengzyoux、yienq ngaekngeu……Haujlai saeh mizyinx couh buenx Fwenmbungqmbaj cienz baenz goj ndei.

Mbanj gaeuqgeq youz lo, diuz giuz funghyij yawj lo, Fwenmbungqmbaj dingq lo, gaiqgwn Fuconh hix mbouj ndaej lauq bw. Daeuhfouhaeux dwg gaiqgwn mizmingz Cauzdungh Cin. Cienznaeuz, doenghbaez raemxrongz mued baenz cai, Saenznungzsi heuh vnzlai caep fai dingj

raemxrongz, muh haeuxsan le, dwk raemx cawj baenz giengh hawj gyoengqde dienz dungx. Miz ngoenz ndeu, canghdajcawj yawj loek le dawz raemxhoi raix haeujbae cawj, coux haeuj aen raeng bae, yaep ndeu couh giet ngauq lo, doeklaeng vnzlai couh heuh de guh daeuh-fouhaeux. Vanj daeuhfouhaeux ndei ndeu, saek hau youh loq henj di, raemxdang sawdik, gij heiq hom coeng caeuq byaekhom ndonj haeuj ndaeng bae, daeuhfouhaeux cix unq-nubnub, dem di byaeksoemj caeuq lwgmanh, sangibak dangqmaz. Daj lwgnyez daengz bouxlaux, daih dem daih gwn daeuhfouhaeux daengz laux, gwnzbiengz cix itcig miz vnz guh daeuhfouhaeux, daih cienz daih daengz seizneix.

Gwn gvaq daeuhfouhaeux, caiq cimz di makcizcwnz nyinh hoz cijndaej. Mwhneix cingq deng makcizcwnz ndaej sou, baenz doengh baenz ndoi mak henjrwgrwg. Fuconh dwg “giz dieg makcizcwnz Cungguk”, gij mak dieg de saek ronghsien、nohmak cix oi q cix unq、mbouj miz ceh、nyaq mbouj lai, youq gwnzbiengz gig mizmingz. Dieg de bibi lij guh “aen ciet makcizcwnz Fuconh”, coenghregz aen canj-nieb makcizcwnz Fuconh hwngfat youh ndei youh vaiq.

Mwngz ndei ha, gizneix dwg Fuconh. Miz bya doenghbaez, raemx Cunhcieuh, roen Cinzhan, mbanj Dangzsung, singz Mingzeing, vnz seizhwng, miz ciethaiq minzsug ciuhnduj, fwen foux sengcingz, gaiqgwn feih ndei, feihyiz saenzmaed, lij miz baengz、siuqva Yauzcuz gaeuqgeq caeuq ywdoj Yauzcuz. Vwnzva doenghbaez、yienghndei Yauzcuz、swnghdai gyaendei、saedceij hoengq soeng, Fuconh youq gizneix caj mwngz daeuj!

(Gij swhliu daj Fuconh Yungzmeiz aeu)

